



Comunu de Barùmini

Ordinantza de su sìndigu n.u 5/2013

Prot. N. 1981 de su 6 de maju 2013

Chistioni: òrdini de limpiat is terrenus privaus tirendindi s'erba

Su Sìndigu

De su momentu chi, acostendusì s'istadi, is logus prenu de erba funt unu strubu po sa pulitzia de sa bidde e unu perigulu po is fogus;

Cunsiderau pretzisu chi dònna meri limpit is terras cosa sua tirendindi s'erba;

Biu is òrdini contras a is fogus de sa Regioni po su 2013 nomenadas de sa delibera n.u 16/20 de s'8 de abrili 2013;

Biu su Regolamentu Edilitziu de su Comunu;

Biu su Regolamentu de Politzia Urbana;

Biu s'art. 54 de su D. Lgs. N.u 267/2000:

ÒRDINAT

1. A totus is meris de is terras de bidde o a is chi ddas tenint in prèstidu, de ddas limpiat tirendindi s'erba po tenni su prus pagu possibili su perigulu chi pighint fogu o chi siant unu strubu po sa pulitzia pùblica.
2. A is meris o a is chi funt usendi o tenint in afitu is terras giai giai foras de sa bidde acanta de cancuna struttura, de allichidiri sa parti cosa insoru po asumancu dexi metrus de sa struttura chi ddoi est, po no nc'essi perigulu de fogu.
3. Is chi no faint cumentis est stètiu ordinau prima de su 31 de maju 2013 ant a depi pagai una sanzioni amministrativa o una sanzioni penali segundu sa normativa e sa lei 689/81;
4. Po ponni fogu oru oru de sa bidde tocat pediri su permessu a sa Statzioni Forestali e de V.A. segundu is "Prescritzionis Regionalis Antincèndiu po su 2013" nomenadas in sa delibera n.16/20 de su 8 abrili 2013;

5. Po ponni fogu aintru de sa bidda tocat pediri su permissu a su Comandu Statzioni Forestali e de Vigilantza Ambientali de bidda e in dònna casu no s'at a podi fai:
 - a) in diis bentosas;
 - b) e me in oras de is dexi de mengianu a is sesi de meri (oràriu legali)
6. Donat a sa Politzia de bidda e a is Carabineris s'òrdini de controllai chi siat fatu cumenti narat custa ordinantza.
7. Mandat a custa ordinantza :
 - a) A su Responsàbili de su Servìtziu Tènnicu Comunali po fai puliri is terras de cumpetentza de su comunu;
 - b) A su Responsàbili de su Servìtziu de Politzia Locali;
 - c) A su Comandu Statzioni Carabineris de Barùmini;
 - d) A su Comandu Statzioni Forestali e V.A. de Barùmini;
 - e) A s'Albu pretòriu de su Comunu po sa publicatzioni.

Barùmini, 6 de maju 2013

Su Sìndigu